

RJEŠENJE**O RAZRJEŠENJU I IMENOVANJU ČLANA KOMISIJE
ZA PITANJA MLADIH****I**

U Komisiji za pitanja mladih, razrješava se:
BERIN MUJAN - dužnosti člana Komisije
a imenuje se
KERIM JAJETOVIĆ - na dužnost člana Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-588/23
Septembra 2023. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 19/21-Prečišćeni tekst i 15/22), Općinsko vijeće Stari Grad Sarajevo, na 29. redovnoj sjednici, održanoj 28. septembra 2023. godine, donijelo je

RJEŠENJE**O RAZRJEŠENJU I IMENOVANJU ČLANA KOMISIJE
ZA OBRAZOVANJE, KULTURU I KULTURNO-
HISTORIJSKO NASLIJEDE****I**

U Komisiji za obrazovanje, kulturu i kulturno-historijsko naslijeđe, razrješava se:

NIHAD KESTENDŽIĆ - dužnosti člana Komisije a imenuje se
ANIS KRUŠČICA - na dužnost člana Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo".

Broj 02-45-589/23
Septembra 2023. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 24. Poslovnika Općinskog vijeća Stari Grad Sarajevo ("Službene novine Kantona Sarajevo", broj 19/21 - Prečišćeni tekst i 15/22), Općinsko vijeće Stari Grad Sarajevo, na 29. redovnoj sjednici, održanoj 28. septembra 2023. godine, donijelo je

RJEŠENJE**O RAZRJEŠENJU I IMENOVANJU ČLANA KOMISIJE
ZA FIZIČKU KULTURU I SPORT****I**

U Komisiji za fizičku kulturu i sport, razrješava se:
MAJLINDA DAŠI - dužnosti člana Komisije
a imenuje se
ANERA JUNUZOVIĆ - HUSIĆ - na dužnost člana
Komisije.

II

Ovo Rješenje stupa na snagu danom donošenja, a naknadno će biti objavljeno u "Službenim novinama Kantona Sarajevo"

Broj 02-45-590/23
Septembra 2023. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 18. stav (1) tačka a) Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/20 - Prečišćeni tekst, 7/23 i 21/23), Općinsko vijeće Stari Grad Sarajevo, na sjednici održanoj dana 28.09.2023. godine, donijelo je

ZAKLJUČAK**O DAVANJU SAGLASNOSTI VRŠIOCU DUŽNOSTI
NAČELNIKA OPĆINE STARI GRAD SARAJEVO, ZA
NEPOSREDNU DODJELU U ZAKUP - PRENOS PRAVA
ZAKUPA POSLOVNOG PROSTORA U ULICI
FERHADIJA BROJ 15**

- Daje se saglasnost vršiocu dužnosti Načelnika Općine Stari Grad Sarajevo, za neposrednu dodjelu u zakup - prenos prava zakupa poslovnog prostora u ulici Ferhadija broj 15, površine 72,00 m², registarski broj 217, na Aljović Sabinu i Aljović Tarika, suprugu i sina ranijeg zakupoprimca predmetnog poslovnog prostora, Aljović Safeta, po cijeni od 25,00 po m², odnosno po cijeni koju je plaćao raniji zakupoprimac poslovnog prostora.
- Ovlašćuje se vršilac dužnosti Načelnika Općine Stari Grad Sarajevo, da nakon donošenja Odluke o dodjeli u zakup poslovnog prostora u ulici Ferhadija broj 15 Aljović Sabini i Aljović Tariku, zaključi ugovor o zakupu navedenog poslovnog prostora sa imenovanim.
- Ovaj zaključak stupa na snagu osmi dan od dana objave u "Službenim novinama Kantona Sarajevo".

Broj 02-45-578/23
28. septembra 2023. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

OPĆINA TRNOVO**Općinsko vijeće**

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 20. sjednici, održanoj dana 28.09.2023. godine, donosi

**ODLUKU
O IZMJENAMA ODLUKE O NOVČANIM
PODSTICAJIMA U POLJOPRIVREDI NA PODRUČJU
OPĆINE TRNOVO**

Član 1.

(Predmet odluke)

Ovom odlukom vrše se izmjene Odluke o novčanim podsticajima u poljoprivredi na području općine Trnovo ("Službene novine Kantona Sarajevo", broj 32/22).

Član 2.

(Izmjena člana 5. stav (2))

U članu 5. stav (2) Odluke o novčanim podsticajima u poljoprivredi na području općine Trnovo umjesto broja "30", treba da stoji "60".

Član 3.

(Izmjena člana 11. stav (1) tačka a))

Član 11. stav (1) tačka a) se mijenja i glasi:

"a) rekonstrukcija krovova postojećih štalskih objekata za uzgoj goveda, konja (magaraca), ovaca i koza u okviru poljoprivrednog gazdinstva."

Član 4.

(Izmjena člana 14. stav (2))

Član 14. stav (2) se mijenja i glasi:

"Pravilnik iz stava (1) ovog člana, u roku od 30 dana od dana stupanja na snagu ove Odluke donosi Općinsko vijeće na prijedlog općinskog načelnika".

Član 5.

(Važenje ostalih dijelova Odluke)

U ostalim dijelovima Odluka o novčanim podsticajima u poljoprivredi na području općine Trnovo ostaje nepromijenjena i na snazi.

Član 6.

(Stupanje na snagu)

Ova Odluka stupa na snagu danom donošenja, a naknadno će se objaviti u "Službenim novinama Kantona Sarajevo".

Zamjenica
Predsjedavajuće

Broj 01-04-3926
02. oktobra 2023. godine
Općinskog vijeća Trnovo
Branka Kenjić, s. r.

Na osnovu člana 3 stav 3. Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19), člana 26. Zakona o poljoprivredi ("Službene novine Federacije BiH", br. 88/07, 4/10, 7/13 i 82/21), Odluke o novčanim podsticajima u poljoprivredi na području općine Trnovo ("Službene novine Kantona Sarajevo", broj 32/22) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog općinskog načelnika, Općinsko vijeće Trnovo, na 20. sjednici održanoj dana 28.09.2023. godine, donosi

PRAVILNIK

**O USLOVIMA I NAČINIMA ZA OSTVARIVANJE
PRAVA NA NOVČANI PODSTICAJ**

I. OPĆE ODREDBE

Član 1.

(Predmet)

Ovim pravilnikom propisuju se modeli podsticanja, uslovi koji su obavezni za ostvarivanje prava na novčane podsticaje, načini za njihovo ostvarivanje, vrste novčanih podsticaja, način

postupanja po prijavama, rokovi, kao i potrebna dokumentacija i obrasci.

Član 2.

(Jezička ravnopravnost)

Izrazi koji su radi preglednosti dati u jednom gramatičkom rodu bez diskriminacije se odnose na oba pola.

Član 3.

(Modeli podsticanja)

Predmet podsticanja u skladu s ovim Pravilnikom mogu biti:

- a) Model podsticanja proizvodnji koji podrazumjeva:
 - animalnu proizvodnju i
 - biljnu proizvodnju.
- b) Model kapitalnih ulaganja koji podrazumjeva:
 - rekonstrukciju krovova postojećih štalskih objekata za uzgoj goveda, konja (magaraca), ovaca i koza u okviru poljoprivrednog gazdinstva,
 - kupovinu nove poljoprivredne mehanizacije i opreme u biljnoj i animalnoj proizvodnji.
- c) Model ostalih vrsta podsticaja koji podrazumjeva:
 - realizaciju pojedinačnih projekata iz oblasti poljoprivrede, a koje se ocjeni značajnim za razvoj poljoprivredne proizvodnje na području općine Trnovo,
 - aktivnosti različitih organizacija, udruženja ili asocijacija, a koje su u funkciji razvoja poljoprivredne proizvodnje na području općine Trnovo.

Član 4.

(Javni poziv)

- (1) Novčani podsticaji se dodjeljuju na osnovu javnih poziva koje objavljuje općinski načelnik na prijedlog Službe za privredu i finansije.
- (2) U toku godine, općinski načelnik može raspisati javne pozive, kako slijedi:
 - a) Javni poziv za model podsticanja proizvodnji za animalnu proizvodnju,
 - b) Javni poziv za model podsticanja proizvodnji za biljnu proizvodnju,
 - c) Javni poziv za model podsticanja proizvodnji kroz nabavku koka nosilja,
 - d) Javni poziv za model kapitalnih ulaganja i to: Rekonstrukcija krovova postojećih štalskih objekata za uzgoj goveda, konja (magaraca), ovaca i koza u okviru poljoprivrednog gazdinstva.
- (3) Javni poziv sadrži: uslove koje kandidati moraju ispunjavati, kriterije za dodjelu, rok za podnošenje prijave, dokumentaciju koju kandidat treba da priloži i eventualno druge podatke.
- (4) Javni poziv se objavljuje na web stranici Općine Trnovo i oglasnoj tabli Općine Trnovo.
- (5) Javni pozivi iz stava (2) ovog člana ostaju otvoreni 15 dana od dana objave na oglasnoj tabli Općine Trnovo.

Član 5.

(Komisije, Odluke i pravo prigovora)

- (1) Za provođenje javnih poziva iz člana 4. ovog pravilnika općinski načelnik imenuje komisije rješenjem, kako slijedi:
 - a) Komisiju za provođenje javnog poziva za model podsticanja u proizvodnji i